

შპს ბიზნესისა და ტექნოლოგიების აკადემია



სანიტარულ-ჰიგიენური ნორმების დაცვის მექანიზმები

BTA მუდმივად ზრუნავს ხარისხის
სისტემის გაუმჯობესებაზე!
ამის ერთ-ერთი თვალსაჩინო
მაგალითია ISO 9001:2015 სტანდარტის
დანერგვა, რომლის ფარგლებშიც
მუდმივ რეჟიმში მიმდინარეობს
შეხვედრები და შესაბამისი
დოკუმენტების მომზადება.

მუხლი 1. ზოგადი დებულებები

1. შპს ბიზნესისა და ტექნოლოგიების აკადემია(შემდგომში აკადემია) უზრუნველყოფს სივრცეების მოწესრიგებას წინამდებარე წესის და კანონმდებლობის შესაბამისად.
2. აკადემიის ტერიტორიაზე სათანადო ადგილას გამოკრულია შესაბამისი საინფორმაციო თვალსაჩინოებები;
3. სამუშაო ადგილებზე ხორციელდება შეხებადი ზედაპირების დასამუშავებელი სადეზინფექციო საშუალებების გამოყენება .
4. ყოველდღიურად უზრუნველყოფილია დახურული სივრცეების/ სათავსების ბუნებრივი ვენტილაცია;
5. აკადემიის ტერიტორია უზრუნველყოფილია ერთჯერადი ხელსახოცებისა თუ სხვა ჰიგიენური საშუალებებით და ნარჩენების გადასაყრელად დახურული კონტეინერებით. კონტეინერებში ჩაფენილია იქნება ერთჯერადი პლასტიკური პაკეტი. ნარჩენების პარკის ამოღება და დროული გატანა ხორციელდება დამლაგებლის მიერ;
6. აკადემიაში ყოველდღიურ რეჟიმში ხორციელდება სამუშაო სივრცეებისა და ადგილების სველი წესით დალაგება/დეზინფექცია .
7. სანიტარული მდგომარეობის უზრუნველყოფასა და დასუფთავებას ახორციელებს დასუფთავების სპეციალისტი.
8. აკადემიას გააჩნია სასმელი წყლით მომარაგების მოქმედი სისტემა, რომელიც მიერთებულია ცენტრალურ წყალმომარაგების ქსელზე და შეუფერხებლად აწვდის საჭირო რაოდენობის სასმელ წყალს;
9. დაწესებულების პერსონალის განსაკუთრებული ყურადღებისა და ზრუნვის საგანია სასწავლო და ადმინისტრაციული სივრცეების განათების დონე, ჰაერის სისუფთავე და ტემპერატურული რეჟიმი, რადგან აღნიშნულ ფაქტორები ახდენს დიდ ზეგავლენას პროფესიული სტუდენტის/მსმენელის/თანამშრომლის ორგანიზმზე/შრომისუნარიანობაზე.
10. დაწესებულების სასწავლო და ადმინისტრაციულ სივრცეებს აქვს ბუნებრივი განათება, რაც თავის მხრივ უზრუნველყოფს განიავების შესაძლებლობასაც.
11. ოთახები ნიავედება რეგულარულად (ყოველდღიურად);

მუხლი 2. დასუფთავების სპეციალისტი ვალდებულია:

1. დაამუშავოს სველი წერტილები დღეში ორჯერ სადეზინფექციო საშუალებებით;
2. დაამუშაოს საოფისე ინვენტარი საჭიროების მიხედვით და სასწავლო სივრცის ავეჯის ზედაპირები ;
3. დაამუშაოს საერთო სამუშაო, სასწავლო ფართი და სანიტარული წერტილები ყოველდღიურად (საჭიროების შემთხვევაში დღეში ორჯერ);
4. დაამუშაოს სახელოურები, მოაჯირები, კარის სახელოურები და ხშირად გამოყენებული ზედაპირები სანიტარულად ;
5. ყოველი სამუშაო დღის შემდგომ დააღაგოს/დაამუშაოს საერთო გამოყენების სივრცეები სველი წესით;
6. გამოყენებული ჰიგიენური ნარჩენებისათვის განკუთვნილ დახურულ კონტეინერებიდან ამოიღოს და განკარგოს ნარჩენების პარკი ხელის ჰიგიენის უპირობო დაცვით;
7. გამოყენებული ჰიგიენური ნარჩენებისათვის განკუთვნილ დახურულ კონტეინერებში ჩააფინოს ერთჯერადი გამოყენების პარკები;
8. თავმოკრული პარკები გაიტანოს სხვა ნარჩენებისაგან განცალკევებით და მოათავსოს მუნიციპალურ ბუნკერში;
9. განახორციელოს სამუშაო ადგილებზე ზედაპირების დასამუშავებელი სადეზინფექციო საშუალებების განთავსება და შევსება;
10. განახორციელოს სანიტარულ წერტილებში ჰიგიენის საშუალებების და გასამშრალელები ერთჯერადი ხელსახოცების მარაგების განთავსება და შევსება;
11. აწარმოოს ყოველდღიურად დახურული სივრცეების/სათავსოების ბუნებრივი ვენტილაცია ;

მუხლი 3. დასუფთავების სპეციალისტის უსაფრთხო საქმიანობის უზრუნველყოფა

3.1. დასუფთავების სპეციალისტის საქმიანობა უზრუნველყოფილია ინდივიდუალური დაცვის საშუალებებით, რომლებიც სრულად შეესაბამება ჰიგიენურ და უსაფრთხოების სტანდარტებს.

3.2. აკადემია რეგულარულად ამრავებს სპეციალისტს საჭირო ინვენტარითა და დამცავი აღჭურვილობით.

3.3. აღნიშნული უზრუნველყოფს უსაფრთხო სამუშაო გარემოს შექმნას და სანიტარულ-ჰიგიენური წესების შეუფერხებელ დაცვას.

მუხლი 4. დასკვნითი დებულებები

4.1. წინამდებარე დოკუმენტის დამტკიცებისა და ცვლილებების შეტანის თაობაზე გამოიცემა აკადემიის რექტორის ბრძანება;

4.2. მექანიზმის ეფექტიანი დანერგვის/განხორციელების მიზნით აკადემია უზრუნველყოფს შესაბამის პასუხისმგებელ პირებისათვის პირველადი ინსტრუქტაჟის ჩატარებას;